

## REGLUGERÐ FRAMKVÆMDASTJÓRNARINNAR (ESB) 2017/786

2017/EES/67/54

frá 8. maí 2017

## um breytingu á reglugerð (ESB) nr. 142/2011 að því er varðar skilgreiningar á fiskimjöli og fisklýsi (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 (reglugerð um aukaafurðir úr dýrum) <sup>(1)</sup>, einkum 2. mgr. 31. gr.,

og að teknu tilliti til eftirfarandi:

- 1) Í reglugerð (EB) nr. 1069/2009 er mælt fyrir um reglur um heilbrigði manna og dýra sem varða aukaafurðir úr dýrum og afleiddar afurðir í því skyni að koma í veg fyrir og draga sem mest úr áhættu fyrir heilbrigði manna og dýra af völdum þessara afurða. Þar eru þessar afurðir flokkaðar í tiltekna flokka sem endurspeglar stig slíkrar áhættu og kveðið er á um kröfur um örugga notkun og förgun þeirra.
- 2) Í reglugerð framkvæmdastjórnarinnar (ESB) nr. 142/2011 <sup>(2)</sup> er mælt fyrir um framkvæmdarreglur fyrir reglugerð (EB) nr. 1069/2009, þ.m.t. skilgreiningar á aukaafurðum úr dýrum á borð við fiskimjöl og fisklýsi.
- 3) Fiskimjöl er skilgreint í 7. lið I. viðauka við reglugerð (ESB) nr. 142/2011 sem unnið dýrapróttin úr lagardýrum, öðrum en sjávarspendýrum. Skilgreiningu á fisklýsi, sem er afurð úr sama tækni ferli og fiskimjöl, má finna í 9. lið í þeim viðauka.
- 4) Í samræmi við 9. lið 3. gr. reglugerðar (EB) nr. 1069/2009 er hugtakið „lagardýr“ skilgreint með tilvísun í e-lið 1. mgr. 3. gr. tilskipunar ráðsins 2006/88/EB <sup>(3)</sup> sem fiskur sem tilheyrir yfirflokknum *Agnatha* og flokkunum *Chondrichthyes* og *Osteichthyes*, lindýr sem tilheyrir fylkingunni *Mollusca* og krabbadýr sem tilheyrir undirfylkingunni *Crustacea*.
- 5) Núverandi skilgreining á „lagardýrum“ nær hvorki yfir stórkrossa sem tilheyrir fylkingunni *Echinodermata* og undirfylkingunni *Asterozoa* né alda lagarhryggleysingja, að undanskildum lindýrum og krabbadýrum. Af þessum sökum er sem stendur ekki hægt að nota stórkrossa eða alda lagarhryggleysingja, aðra en lindýr og krabbadýr, til framleiðslu á fiskimjöli og fisklýsi.

(\*) Þessi ESB-gerð birtist í Stjútíð. ESB L 119, 9.5.2017, bls. 1. Hennar var getið í ákvörðun sameiginlegu EES-nefndarinnar nr. 155/2017 frá 22. september 2017 um breytingu á I. viðauka (Heilbrigði dýra og plantna) við EES-samninginn, biður birtingar.

(1) Stjútíð. ESB L 300, 14.11.2009, bls. 1.

(2) Reglugerð framkvæmdastjórnarinnar (ESB) nr. 142/2011 frá 25. febrúar 2011 um framkvæmd reglugerðar Evrópuþingsins og ráðsins (EB) nr. 1069/2009 um heilbrigðisreglur, að því er varðar aukaafurðir úr dýrum og afleiddar afurðir sem ekki eru ætlaðar til manneldis, og um framkvæmd tilskipunar ráðsins 97/78/EB að því er varðar tiltekin sýni og hluti sem eru undanþegin heilbrigðiseftirliti með dýrum og dýraafurðum á landamærum samkvæmt þeirri tilskipun (Stjútíð ESB L 54, 26.2.2011, bls. 1).

(3) Tilskipun ráðsins 2006/88/EB frá 24. október 2006 um heilbrigðiskröfur að því er varðar lagareldisdýr og afurðir þeirra og um forvarnir og varnir gegn tilteknum sjúkdómum í lagardýrum (Stjútíð. ESB L 328, 24.11.2006, bls. 14).

- 6) Stórkrossar eru sjávarhryggleysingjar sem lifa aðallega á öðrum sjávarhryggleysingjum, s.s. lindýrum. Þeir eru reglulega veiddir sem aukaafurð í tengslum við ræktun samlokna, sem eru ætlaðar til manneldis, án marktækra neikvæðra áhrifa á stórkrossastofninn. Þessi tilfallandi meðafli er hugsanlega mikilvægur prótínjafi í fóður fyrir svín eða alifugla.
- 7) Burstaormurinn *Nereis virens* er notaður sem annars konar prótínjafi í fæðu alinna fiska, sem eru kjötætur, sem gerir það kleift að draga úr fóðurkostnaði og hæði gagnvart fiskimjöli.
- 8) Í 18. forsendu reglugerðar (EB) nr. 1069/2009 er útskýrt að nota meggi lagarhryggleysingja, sem falla ekki undir skilgreininguna í 9. lið 3. mgr. þeirrar reglugerðar, s.s. stórkrossar og aldir lagarhryggleysingjar, aðrir en lindýr og krabbadýr, og sem skapa ekki neina áhættu á útbreiðslu sjúkdóma, samkvæmt sömu skilyrðum og lagardýr sem falla undir skilgreininguna, t.d. til framleiðslu á fiskimjöli.
- 9) Gildandi reglur Sambandsins um aukaafurðir úr dýrum og um smitandi svampheilakvilla<sup>(1)</sup> banna ekki notkun á stórkrossum og öldum lagarhryggleysingjum, öðrum en lindýrum og krabbadýrum, við framleiðslu á fódri fyrir alidýr.
- 10) Þar eð notkun á unnu dýraprótni úr villtum lagardýrum, s.s. stórkrossum, og öldum lagarhryggleysingjum, öðrum en lindýrum og krabbadýrum, í fóður fyrir dýr, sem ekki eru jörturdýr, skapar ekki meiri áhættu en notkun á fiskimjöli í slíkt fóður er rétt að breyta skilgreiningunum á „fiskimjöli“ og „fisklýsi“ til að þær nái yfir tiltekna lagarhryggleysingja.
- 11) Til að vernda umhverfið og koma í veg fyrir nýtt álag á stofn villtra stórkrossa ætti að takmarka notkun þeirra til framleiðslu á fiskimjöli við tilvik þar sem stórkrossi er veiddur á framleiðslusvæði lindýra eins og skilgreint er í tilskipun 2006/88/EB.
- 12) Breyta ætti skilgreiningunum fyrir „fiskimjöli“ og „fisklýsi“ í 7. og 9. lið I. viðauka við reglugerð (ESB) nr. 142/2011 til samræmis við það.
- 13) Rýmka ætti vinnslukröfur varðandi fisklýsi, sem mælt er fyrir um í X. viðauka við reglugerð (ESB) nr. 142/2011, með tilvísun í 1-lið 10. gr. reglugerðar (EB) nr. 1069/2009 í því skyni að leyfa notkun á lagar- og landhryggleysingjum, öðrum en dýrategundum sem valda sjúkdómum í mönnum eða dýrum, við framleiðslu á fisklýsi, þ.m.t. stórkrossar og aldir lagarhryggleysingjar aðrir en lindýr og krabbadýr.
- 14) Því ætti að breyta I. og X. viðauka við reglugerð (ESB) nr. 142/2011 til samræmis við það.
- 15) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

#### SAMÞYKKT REGLUGERÐ ÞESSA:

##### 1. gr.

Ákvæðum I. og X. viðauka við reglugerð (ESB) nr. 142/2011 er breytt í samræmi við viðaukann við þessa reglugerð.

##### 2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

<sup>(1)</sup> Reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar (Stjútíð. EB L 147. 31.5.2001 bls. 1).

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. maí 2017.

*Fyrir hönd framkvæmdastjórnarinnar,*

Jean-Claude JUNCKER

*forseti.*

---

VIÐAUKI

Reglugerð (ESB) nr. 142/2011 er breytt sem hér segir:

1) Ákvæðum I. viðauka er breytt sem hér segir:

a) Í stað 7. liðar komi eftirfarandi:

„7. „**fiskimjöl**“: unnið dýraprótein úr lagardýrum, öðrum en sjávarspendýrum, þ.m.t. aldir lagarhryggleysingjar, þ.m.t. þeir sem falla undir e-lið 1. mgr. 3. gr. tilskipunar ráðsins 2006/88/EB (\*), og stórkrossa af tegundinni *Asterias rubens* sem er veiddur á framleiðslusvæði lindýra.

---

(\*) Tilskipun ráðsins 2006/88/EB frá 24. október 2006 um heilbrigðiskröfur að því er varðar lagareldisdýr og afurðir þeirra og um forvarnir og varnir gegn tilteknum sjúkdómum í lagardýrum (Stjtíð. ESB L 328, 24.11.2006, bls. 14).“

b) Í stað 9. liðar komi eftirfarandi:

„9. „**fisklýsi**“: olía fengin við vinnslu á lagardýrum, öðrum en sjávarspendýrum, þ.m.t. aldir lagarhryggleysingjar, þ.m.t. þeir sem falla undir e-lið 1. mgr. 3. gr. tilskipunar ráðsins 2006/88/EB, og stórkrossa af tegundinni *Asterias rubens* sem er veiddur á framleiðslusvæði lindýra eða olía fengin við vinnslu á fiski til manneldis, sem rekstraraðili hefur ákveðið að nota til annars en manneldis.“

2) Í stað 2. liðar í A-lið 3. þáttar II. kafla í X. viðauka komi eftirfarandi:

„2. Fisklýsi

Einungis má nota efni í 3. flokki sem um getur í i-, j- og l-lið 10 gr. reglugerðar (EB) nr. 1069/2009 og efni í 3. flokki sem kemur úr lagardýrum sem um getur í e- og f-lið 10. gr. þeirrar reglugerðar til framleiðslu á fisklýsi.“

---